

# أعظم حفلة تخرج يوم القيامة .. " حفل تخرج الدفعة 1 ( - ) 2 ) من معهد أذن خير " .. د . حازم شومان

حازم شومان

السلام عليكم ورحمة الله وبركاته السلام عليكم ورحمة الله وبركاته. اخواني واحبابي في الله اخواتنا الكريمات البطلات المباركات. آآ ابطال الاسلام وبطلات الاسلام. الله يحفظكم الله ينفع بكم الحمد لله وكفى وصلاة وسلاما على عباده الذين اصطفى. قل بفضل الله وبرحمته فبذلك فليفرحوا. هو خير - 00:00:00

مما يجمعون. سمع سامع بحمد الله وحسن بلائه علينا. ربنا صاحبنا وافضل علينا. عاندين من النار. اخواني واحبابي في الله احنا النهاردة في فرحة كبيرة اوي. اوي اوي. اللهم لك الحمد. حفلة التخرج فرحة كبيرة قوي يا جماعة. يعني انا والشيخ حازم - 00:00:35

بيقرأ يا ايها الذين امنوا لا تخونوا الله والرسول واقعد ابص بقى لايه يعني عملوها الرجالة بقى الابطال والبطلات اللي موجودين في القاعة بافتكر وانا طالب وسمعت الايات دي في حفلة زي دهيه. وانا قاعد مش عارف اعمل ايه. يعني الواحد نفسه يعمل حاجة لدينه. نفسه يعمل حاجة للاسلام. بس انا مش عارف اعمل ايه - 00:00:55

الايات حسيت ان هي بتمزق قلبي. فقلت سبحان الله بعد اكثر من عشرين سنة بعد اكثر من عشرين سنة من اللحزة دي الواحد ربنا استعمله في الدعوة الى الله وربنا من علينا باعظم نعمة الله من علينا في - 00:01:15

وهي المعاهد التربوية المنهجية. يعني مش مجرد دروس ومقاطع. لأ في تربية منهجية بفضل الله. فقلت سبحان الله! اللي قاعدين قدامي دول امل كبير قوي انتم امل كبير قوي للاسلام. انا عايزك عارفين اب بيبص لابنه على ان ده مستقبليه. ده اللي هيشيلني. ده الاسلام - 00:01:30

لو هو واحد دلوقتي واقف بيبص لكم انتم لا تتخلوا الامل اللي في قلبه منكم ايه. انتم الوقتي حطيتوا رجلكم على الطريق الصح. كملوا اوعى حاجة تخطفك من طريق البناء المنهجي. اوعى حاجة تخطفك من طريق التربية. اوعى حاجة تاخذك من ربنا. اوعى حاجة تعطلك - 00:01:50

عن الانطلاق انك في يوم من الايام تبقى داعي الى الله. هو دا حب الله الحقيقي. حب الاسلام الحقيقي ان احنا نموت واحنا سايبين للاسلام حاجة حفلة التخرج فرحة كبيرة قوي يا جماعة. المفروض ان انتم فرحانيين جدا - 00:02:10

بس على فكرة اصل فرحانيين ليه هو الرسول عليه الصلاة والسلام لو دخل الوقت علينا؟ كلمة ابن مسعود للربيع ابن خثيم لو رآك رسول الله عليه الصلاة والسلام لاحبك انما كان هيفرح قوي - 00:02:25

لو شافك كان هيفرح اوي هو النبي لو دخل الوقت هيفرح بكم قد ايه يا جماعة. اما يعرف بقى ان يعني بفضل من كل دول بفضل منكم ومنة الاباء اللي معنا في الدفعة الاولى والثانية اللي انتم ربنا اداكم حاجة مين اللي واخدها دلوقتي؟ انا عايزك تحس بالاصطفاء اللي ربنا اصطفاه لك. انا عايزك - 00:02:35

حس باختيار ربنا لك. انت ربنا وضعك على طريق البناء المناجي. حفلات التخرج. حفلات التخرج كل يوم فيه الف حفلة تخرج. بس في كليات الهندسة الطب والصيدلة والتجارة والبزنس ادمن استريشن وو حفلات تخرج في الدنيا يعني اللي له نية صالحة طبعا ده حاجة عظيمة جدا لا - 00:02:55

قلة عن نية الداعي الى الله. ولكن انت هو الناس بتفرح بحفلة التخرج ليه ؟ لان اللي اتبنى منهجيا هو ده هو ده اللي هيبقى له مستقبل اللي اتبنى منهجيا هو اللي هيبقى دكتور شاطر. هو اللي هيبقى مهندس شاطر. هو اللي هيبقى راجل اعمال شاطر. كذلك انت الوقت تفرح بحفلة التخرج ليه ؟ لان اللي هيتبنى في الدين منهجية - [00:03:15](#)

ده اللي هيبقى ده عيب حق وحقيقي. دي اللي هتبقى مربية بحق وحقيقي. ده اللي له مستقبل. اللي رافض التربية في الدين ما لوش مستقبل يا جماعة. الا من باب - [00:03:35](#)

معجزات ولا حرج في فضل الله. حفلة التخرج الجميلة اللي احنا فيها دي. بتفكرني باعظم حفل التخرج في الوجود كله. بتفكرني باعظم حفلة تخرج يوم القيامة. عارفين في سورة ايه ؟ يوم ترى المؤمنين والمؤمنات - [00:03:45](#)

يسعى نورهم بين ايديهم وبايمانهم. انت متخيل المنزر ده المنزر الجميل ده المنزر العظيم ده انت متخيل بقى كل اللي عمله للاسلام كل اللي مشي ورا طريق النبي عليه الصلاة والسلام. كل اللي كانوا دعاة الى الله. كل اللي نصروا دين الله سبحانه وتعالى - [00:04:04](#) متخيل كلهم بقى هيعدوا من على الصراط مع رسول الله صلى الله عليه وسلم. مش هيعدوا لوحدهم. النبي مستنينا على الصراط مش التخرج بقى ده اعزم حفلة تخرج في الوجود. الناس اللي عاشت الدنيا صح يوم ترى المؤمنين والمؤمنات. الله سبحانه وتعالى - [00:04:24](#)

بيصبر النبي عليه الصلاة والسلام. يبصبره لان طريق تربية صعب. طريق طريق البناء المنهجي صعب. طريق سهل يا جماعة. سهل انك انت في يوم من الايام تدي درس تعمل مقطع دعوي سهل انك في يوم من الايام تشتغلي في الدعوة. ولكن فعلا انك تبقى مربى انك قربنا بيصبر النبي عليه الصلاة والسلام. بيقول - [00:04:43](#)

اللي انت تعبان معهم النهاردة. اللي انت تعبان في بنائهم النهاردة بكرة هتشوفهم. وهم انوار مزهلة بتعدي على الصراع مع بعض يوم ترى المؤمنين والمؤمنات يسعى نورهم بين ايديهم وبايمانهم. كل عضو في جسمهم يشع نور لانهم عبدوا الله - [00:05:03](#) اه بكل عضو في اجسامهم. صحتهم بتشع النور لان اعمالهم ليل نهار سفرة كرام بررة. اعمالهم كلها اعمال صالحة. يسعى هم بين ايديهم وبايمانهم بشراكم اليوم. يا رب احنا لسة ما عدناش من على الصراط. ده من قبل ما تعدي ربنا بيقول لك الف مبروك. ربنا - [00:05:23](#)

بيقول لك انت من اهل الفردوس الاعلى باذن الله. بشراكم اليوم جنات تجري من تحتها الانهار خالدين فيها. ذلك هو الفوز العظيم المنزر ده بيزكرني باعظم حفلة تخرج يوم القيامة. وبيزكرني باعظم حفلة تخرج في الدنيا. قبل موت النبي عليه الصلاة والسلام بساعتين او - [00:05:43](#)

ثلاث ساعات. صلاة الفجر وابو بكر الصديق بيؤم المسلمين والنبي عليه الصلاة والسلام مريض من مغرب الخميس ما عايش النبي عليه الصلاة والسلام بعد ما صلى بالمسلمين بالمرسلات ما عدش قادر يصلي عليه الصلاة والسلام بالمسلمين - [00:06:05](#) النبي عليه الصلاة والسلام والصحابة بيصلوا الفجر. النبي عليه الصلاة والسلام قام وكشف الستر. انا عايزك تتخيلي اللحظة دي. لو النبي عليه الصلاة والسلام كشف ستر كده وبص علينا الوقتي. النبي هيفرح قد ايه - [00:06:19](#)

هيفرح قد ايه ؟ لما بقول لاخواني لو خيرت بين هذا الحفل وبين مليون دولار طبعا احنا الوقتي مش هينفع نتكلم على مليون دولار يا كان مليون دولار ايه ! ده انا لو خيرت بين حفل التخرج ده وبين عشرة مليون دولار فيه حاجة اعلى من الدولار يا رجالة - [00:06:33](#) الدولار آ هو اللي مسيطر الواحد ربنا كبير. ماشي. لو خيرت بين هذا الحفل وبين خمسين مليون دولار. والله العظيم ما ترددت لحزة ولا تزبذبت لحزة فهذا الحفل اغلى من مليارات الدنيا كلها. لان حبيب الله محمد عليه الصلاة والسلام لو دخل علينا الوقتي هيفرح بكم - [00:06:52](#)

ولا ولا الفلوس هتبقى هي الفرحة! الله وهو ينظر إلينا من فوق سبع سماوات. النبي عليه الصلاة والسلام بيرفع الستر ويبص للصحابة قبل موته بساعتين او ثلاثة عليه سلام. فتبسم يضحك. النبي فرحان. دي اللحزة دي يا جماعة هي اسعد لحزة في حياة اي مربى في الدنيا. عارفين ليه ؟ لانه هيموت - [00:07:12](#)

ومش سايب كتب كلام على ورق. هيموت ومش سايب دروس وشرايط. هيموت وهو سايب رجالة هيموت وهو سايب دعاة وداعيات الى الله. هي دي الخطوة الاولى. الخطوة الاولى لعودة عزة الاسلام في الارض تربية دعا وداعيات. دي الخطوة الاولى - [00:07:32](#) عشان سيدنا عمر ابن الخطاب قاعد في بيت فواحد من الصحابة بيقول اتمنى لو ان ملء هذا البيت زهبا. اتمنى لو ملء هذه القاعة ذهباً انسى في سبيل الله. سيدنا عمر قال بقى اما انا فاتمى لو ان ملء هذا البيت رجالا امثال ابي عبيدة ابن - [00:07:49](#) جراح ومعاذ ابن جبل وسالم مولى ابي حذيفة استعملهم في سبيل الله. الحمد لله القاعة مليانة رجالة اهو. ادي الرجالة وانتم الواحدة فيكم في ميت راجل بازن الله سبحانه وتعالى. عملوها الرجالة. اللهم لك الحمد. دي امنية العمرية. رجالة يشيلوا دين - [00:08:09](#) لازم تعرف انت بتتربى ليه ؟ انت بتتبني عشان تشيلي دين. انت بتتربى عشان تبقى من اول من يدخل الجنة من خلق الله. الذين تسد بهم الثغور عشان تقف على ثغر من صغور الدعوة الى الله. عمر ابن الخطاب لما بعث لعمر بن العاص مدد في فتح مصر بعث له اربع تلاف جندي. وبعث له معهم اربعة. قال له - [00:08:28](#)

الاربع تلاف دول حاجة والاربعة دول الواحد منهم بالف. يعني اربع تلاف. بعث له الاربعة مسلمة ابن مخلد وعبادة ابن الصابت والمقداد ابن الاسود والزبير ابن العوام. قال له الاربعة تلاف دول اربع تلاف. والاربعة دول باربعة الاف. انت بكام؟ لا اصبع محمد ابن - [00:08:48](#) واسع احب الي من مائة الف فارس. انت تساوي كم؟ انت توزن كم في حين ان يوم القيامة فلا نقيم لهم يوم القيامة وزنا. في ناس ما لهاش وزن عند الله. احنا بنتربى عشان يبقى لنا وزن. الناس بتفرح بحفلات التخرج. لان البناء المنهجي هو الطريق الوحيد للنجاح في الحياة. الطريق الوحيد الا من باب - [00:09:08](#)

في المعجزات ولا حرج في فضل الله. فاحنا فرحانين الوقتي بحفلة التخرج. لان انتم حطيتوا رجلكم على الطريق الصح. اوعدوا تتذبذبوا اذن خير بداية وليست نهاية. اذن خير خطوة في طريق الف ميل في التربية. هتخرج منها على معاهد تانية احنا عاملين لكم معهد السيرة - [00:09:28](#)

وعاملين لكم معهد الدورات القرآنية. وعاملين وان شاء الله بنجهز لكم الوقتي المعهد القرآني الدعوي. بازن الله سبحانه وتعالى. والمعاهد الاحترافية الدعوية. بازن اللي احنا يعني المشروع بتاع عمرنا ان احنا نعمل معاهد مرحلية وتربية منهجية. تدخل من ده تخرج ده. تدخل من ده تخرج تخرج من ده تدخل في ده - [00:09:48](#)

تلاقي نفسك بعد كذا سنة فعلا واقف على ارض صلبة في البناء والتربية. الله يوفقكم. الله يسدكم. الله يبارك للاسلام فيكم. الله يشرح صدوركم الله يجعلكم يوم القيامة فرحة في قلب رسول الله صلى الله عليه وسلم. الله يفرحنا جميعا بجوار الحبيب محمد في الفردوس الاعلى - [00:10:08](#)

مبروك يا رجالة. الف مبروك يعني اخواني واخواتي اللي معنا دلوقت في القاعة. والف مبروك للي معنا على البث المباشر. والف مبروك يعني الالف اللي اخرجوا في الدفعة الاولى والثانية. آآ والف شكر للادارة العظيمة اللي تفانت في هذا المشروع - [00:10:28](#) من اول ما كان فكرة الناس اللي تفانت عشان الموضوع ده يبقى واقع. يعني ربنا يجزيهم كل خير. وربنا يتقبل والفريق الاداري العظيم اللي كان في زهرهم عشان نقدر ننجح بازن الله سبحانه وتعالى في هذا المشروع. ان شاء الله بازن الله مكملين مع بعض لحد ما كلنا ايد واحدة كده نروح للنبي عليه الصلاة والسلام على - [00:10:48](#)

يوم القيامة ونفرحه يا رسول الله احنا عشنا عمرنا وشبابنا وحياتنا عشان نتبنى وعشان نقف على ثغر من ثغور الدعوة قل بفضل الله وبرحمته فبذلك فليفرحوا هو خير مما يجمعون. الله يوفقكم الله يسدكم. الله يرشدكم الله يبارك في مستقبلكم. الله ينفع -

[00:11:08](#)

الله يستعملكم ولا يستبدل بكم ابدا. الله يؤلف بين قلوبكم. الله يفتح عليكم في الدين والدنيا. الله يسد خطاكم. الله يصلح بالكم الله يجعلنا جميعا من اهل الفردوس الاعلى بغير حساب ولا سابقة عذاب. سبحانه اللهم وبحمدك. اشهد ان لا اله الا انت استغفرك واتوب

اليك - [00:11:28](#)

- [00:11:48](#)